

Mais afin que ne demeure com dampnee en ton
pensement si tel las Te requier de rechief que ceste
foys soit La derniere que de cest affaire plus me par
les Simon pourra estre que ten Repentiras et que
cercyant salut pour aultruy te fandra remede pour toy

Lacteur.

Ant grant confusion me donnoient les
parolles de Laureolle que quant mieulx
pensoye les entendre moins sauoye de sa
voulente Et quant J'auoye bonne esperance en brief
me tournoit en grande desesperatio quant Je euidoye
estre plus seur me mettoit en vne grant tumeur et
crante de sorte que la diuersite de ses gestes et sem
blans auugloient ma congnoissance Au Recevoir
de la lre de L'eriano me satisfait et contente . Et par
la fin de ses parolles me rent tout desesperé et non
sachant quel chemin suivre auquel trouuasse espe
rance comme homme sans conseil men partiz pour
aller vers L'eriano avec delibention de luy donner
quelque confort entretant que cercheroye meilleur
Remede qui a son mal fust comuenable Et arriue
ou Il estoit comencay a luy dire .

Lacteur a L'eriano